

ТРАКТОР

УАССР. Дебессы ВКП(б) Райкомлэн, Райисполкомлэн органы

4 октябре 1937 аре | № 80 (615) | 7-ти арзэ потэ

Троцкистской последыш'ёсыз но буржуазной националист'ёсыз пумозяз шараяно

ВКП(б)-лэн Удмурт Обкомез-лэн пленумез замаскироваться кариськем троцкист'ёсыз (Арешевез, Кучумовез но мукет'ёссэ) разоблачить кариз но лыд'яз, что удмуртской парт-организациын та дырозь ЦК-лэн февральско-мартовской пленумезлэн решениысьтыз, Сталин эшлэн указаниосысьтыз троцкистской но мукет двурушник'ёсты быдтон пумысь тырмыт вывод лэсьтымтэ. Замаскироваться кариськем троцкист'ёсын но буржуазной национализмен нюр'яскон организовать карымтэ шуса Удмурт Обкомлэн пленумезлэн вывод сётэмэ шонерак асьме Дебесс парторганизаци выль но луэ. Тани мар пумысен но: Арешев троцкист Русин рас тратчикез, асьме ВКП(б)-лэн райкомаз секретаре рекомен довать кариз, нош парторганизацилэн бдительностез лябеч отчетно-перевыборной собраниысен ВКП(б)-лэн райкомаз секретарен Русин быр'емын вал.

1 октябре 1937 арын ВКП(б) райкомлэн бюроез Каракулов прокурорлэсь троцкистской но двурушнической ужзэ шараяса разоблачить кариз, ВКП(б) кандидатысь но ужысьтыз куштыз.

Первичной парторганизация (райисполкомын) Каракуловлэсь троцкистской действоосэ тодыса та дырозь либеральничать карыса улэм. Куд-огез коммунист'ёс (Поликарпов) Каракуловлэсь троцкистской ужзэ разоблачить карон интые двурушничать карыса уйллям.

1924 арын „профсоюзной дискуссия“ дыр'я Каракулов Совпартшколаын дышетске, отын ик азьло ВКП(б) райкомлэсь секретарьзэ воштысь Ф. Козловлэн братзэ дышетскыса троцкистской линиез защищать кариз (кудйз ке али троцкист), сое Каракулов тодыса скрывать кариз. Ф. Козлов Каракуловез „незаменимый работник“ шуса ВКП(б) членэ пырыны поручиться но кариськиз. Озы ик Каракуловез ВКП(б) членэ пыргыны понна Корепанов Н. Г. (али Игра ВКП(б) райкомлэн секретарез луыса ужа) поручиться кариськиз. Ф. Козлов но Н. Г. Корепанов троцкистской ужзэ Каракуловлэсь шобыртзы. Со понна соос ответственность нуыны кулэ.

1934 арын Красной армиын служить карыкуз Каракуловлы пьянствовать карем понназ 3 пол выговор сетылэмны но собере службайысь граница дорысь политической неустойчивой шуса уволить каремын. 1934 аре, Карсовайын ВКП(б) райком Каракуловез пьянствозе но политической неустойчивозе понна парти радьсы куштэ но сое со парти чистка, партдокументзэ проверить ка-

рыку но партдокумент'ёсыз вош'яку оз вера, скрывать кариз. Собере ик троцкист Ельцов Каракуловез восстановить кариз. 1934 аре ик Каракулов (Глазовын ужакуз) ярый вредителен (Шмид мукет фамильяен) вистэк связь возем 1925 аре Каракулов Ижын Вотской клубе буржуазной националист'ёслэн обществоз членэ пырыса ужам. Каракулов троцкистской контрреволюционной бандаосыз: Гамарникез, Тухачевские, Эйдеманы, Якирез защищать кариз, соосыз жаляляз. Каракулов (прокурорын ужакуз) Сталинской Конституциез нарушать карылз. Сельской хозяйствозын вредительёслэн, кулак'ёслэн гнусной уж'ёссылы агенты луса ужам. В-Чепык колхозын (Тольен сельсоветысь) Воронцов полицейскойлэн пиез, ярый белобандит, колхозэ председателе чуртнаськыса вредить кариз: 30 цент. етин, 25-30 га вылысь клеверез сисьтыз, 1,5 тонна няезе растанжировать кариз, 3000 манет растратаез, пудозе юнме быдтылыз. Та Воронцов классовой тушмонлэсь, гнусной вредить карем уж'ёссэ Каракулов трос пол адзыса шараян оз поттылы. Воронцов белобандитзэ защищать карылз.

„Красная колонна“ „Первый луч“, „Золотой дождь“, „Юный пахарь“, Сеняшур, „Красный октябрь“, В-поле, „Искра“ но мукетаз колхоз'ёсын классовой враг'ёс, белобандит'ёс, сектант'ёс, подлец'ёс трос пол колхозник'ёс выль покушени лэсьтылызы, колхозэ чуртнаськыса колхозной собственности тус-тас карылызы, сельскохозяйственной уставез нарушать каро. Вань материал'ёсыз классовой враг'ёс выль луыса Каракулов яке ыштылыз, яке мариновать карылз.

Буденный нимо колхозысь калык тушмонлэн кынызы председателез Поздеевез виемын. Нош Каракулов следствие нуон ужез дугдытыз. Каракулов Ельцов троцкистлэсь последыш'ёссэ „Красная колонна“ колхозысь тодыса шобыртзы, оз шарая. Нош со колхозэ Ельцов троцкист трос пол ветлыса кулак'ёсыз насаждать карылз. Соин „Красная колонна“ колхозын кулак'ёс Главатских С. Ф., Ложкин С. Д. но Фрол, Василий Ложкин'ёс белобандит'ёс колхоззэ кушкатыны туртто. С. Д. Ложкин ярый кулаклен З. Ложкина нылыз счетоводын ужакуз 700 манетлэсь трос растратаез. Ложкина Зоя (али маслопроме чуртнаськем) кулаклен но белобандитлен Ложкина Елена (кензэ) масло заводын ужакуз 1000 манетлэсь но трос растрата лэсьтыз но пегиз. Озы Каракулов растратчик'ёсыз ваттыз. Каракулов тросэзлы кулак'ёслы незаконно имуществоос-

„ВКП(б) Областной комитетлэн пленумез быдэс областной парторганизациез но ВКП(б)-лэсь вань член'ёссэ оз эшшо но выль жутыны революционной бдительностез, Сталин эшлэн указаниосысьтыз, ЦК-лэн февральско-мартовской пленумезлэн решениосысьтыз тырмыт вывод'ёс лэсьтыны, калык тушмон'ёсты—фашизмлэсь троцкистско-бухаринской но буржуазно-националистической агент'ёссэ копак но одйгээ но кельтытэк шараяны понна асьсэ-лэсь вань кужымзэс но саклыкэс огазены, адямиослэн кин луэмзы шоры учкытэк, большевистской критикаез но самокритикаез вольмытыны“.

(ВКП(б)-лэн Удмуртской Обкомезлэн Пленумезлэн 23-25 сентябре пуктамьсыть.)

Громов, Юмашев но Данилин эш'еслэн полетсы мировой рекордзэ признать каремын

Громов, Юмашев но Данилин эш'еслэсь „АНТ—25“ самолётэн Москва—Северный полюс Сан-Джасинто маршрут'я полётсэ шонер линия кузя мировой но международной рекордэн (С класс'я) признать карон сярсы А. В. Косаревлэн нимыныз ниям СССР-лэн Центральной Аэроклубез междуна-

родной Авиационной Федерацилэн Президиумезлэсь (ФАИ) со-общение басьтыз.

Ломанной линия кузя рекордзэ регистрировать карон понна международной Авиационной Федерация СССР-ысь Центральной Аэроклубез допол-нительной материал'ёссэ куриз.



1000 кубометр понна

Ми, „Красная колонна“ колхозысь АНДРЕЙ ЕФИМОВИЧ но ГРИГОРИЙ ИВАНОВИЧ ЛОЖКИН'ЭС, предоктябрьской соревнование пырыськыса выламы обязательство басьтысько-мы:

1. Октябрь революцилен 20 ар тырмон нуналозяз быдэн 250 кубометр сик кораны (нуналлы быдэ быдэн 10 кубометр).
2. 1938 арлэн апрель толзэзяз быдэн **1000 кубометр нораны.**

Районысьтымы вань сик корасьёслы вазькиськомы но предоктябрьской соревнование пырыськыса ужаны отиськомы. Тысячник'ёслэсь радзэс бюджетоме.

А. Е. ЛОЖКИН.
Г. И. ЛОЖКИН.

Обязательствоос ужен быдэсмо

Тольен сельсоветысь „Калиновка“ колхоз но отысь сельсоветлэн членэ А. В. Ложкин, предоктябрьской социалистической чашатсконэ пырыськыса 1 октяброзэ заемлы, государстволы подоходной налог но мукет коньдон тырон'ёсты 100 процентлы быдэстызы. Колхозник'ёслэн сельхозналог тыронзы 98 процентлы, стра-

ховой—97 процентлы быдэстэмын ни. Вань колхозной двор быдэн 20 манет самообложение тырыны басьтэм обязательствозэс 10—15 нунал'ёс куспын быдэстыны шуса зол жуало.

Заемлы коньдон тырон озы ик „Кр. Орлы“ колхозыны но быдэстэмын ни.

Подсозерцев.

Китайын военной действиос

Лондон, 28 сентябре. 8-ти китайской армилэн частьёсыз 25 сентябре японской войскаослы бадзым поражение лэсьтызы. Али 8-ти китайской армилэн частьёсыз Шаньси провинцилен северной локетаз наступление нуо. Японей'ёс соослы нокиче сопротивление уг лэсьто.

8-ти китайской армилэн частьёсыз наступление нуыса, отборной японской отряд ёслы бадзым удар'ёс лэсьтыло. Японей'ёс паникае усыса, Иньсянь пала отступать каро. Тини та операциос дыр'я, 300 мурт японской солдат'ёс пленэ басьтэмын но 500-эз бырыны шедемын.

Шанхай. 27 сентябре. Китайской газет'ёс али 8-ти китайской армилэн бадзым вормон'ёсыз сярсы гож'яло. 25 сентябре 8-ти армилэн частьёсыз контратака лэсьтыса, японской войскаослэсь отрядзэс пазыгызы. Отрядысь 10 сюрс мурт японской солдат'ёс пленэ бась-

тэмын но бырыны шедемын.

8-ти китайской армилэн частьёсыз японей'ёслэн кыысьтызы куйн гуртзэ но трос пункт'ёсты басьтызы. Озы ик трос автомобиль'ёс, танк'ёс но портэм военной снаряжение басьтэмын. Японской войскаослэн кылемез солдат'ёсы Сячайчун пала отступить каризы. Китайской войскаос соосты отын но котыртызы.

Народной революционной армилэсь вормемзэ пусыса, газет'ёс тазы гож'яло: Народной революционной армилэн частьёсаз политической сознательность но дисциплина выльыны сылэ. Революционной армия народной массаосын герзаскемын. Тушмонлы пумит нюр'яскон нуон ласань народной массаос армилы юртто. Тини соин ик народной революционной армилэн частьёсыз сыче бадзым вормон басьтыны быгатызы.

Избирательный список 'ёс составить короннись

СССР-лэн Верховной Советаз бырийны дасяськон пумысь избирательёслы список лэсьтон районамы ортычтэмын. Сельсовет'ёсын ужасьёс список лэсьтонын мылкыдтэк (халатно) ужаменызы уно тырмымтэ интыос, янгыш'ёс лубыламын. Районамы кона избирательёс луыны кулэ вал, список лэсьтэм'я 145 мурт трос луымын. Одыг Дебесс сельсоветын гинэ 111 мурт мултэс избирательёс, Портурнесын—52, Н-Пыхта сельсоветын—35 мурт. Нош Ариково но Зар-Медла сельсовет'ёсын 37—34 мурт избирательёс олокытчы ыштэмын. Халатно ужамен та пёрмемын.

Ариково сельсоветысь секретарь Поздеева список лэсьтыкуз ноқыче графаос лэсьтытэк гож'ям, валаны но уг лубы. Б-Зетым сельсоветлэн председателез Владыкина Стрелкова избирательёс списке гожтытэк кельтэм. Б-Кизня сельсоветын нош Опарин но Иванова 17 муртэз избирательёс списке гожтыллям, куд'ёсыз 2 но 3 ар татын уг ни уло. Таке янгыш уж'ёс райисполкомлэн (Малыхлэн, Рубцовлэн) ляб кивалтэменызы но сельсоветысь ужасьёслэн халатно ужаменызы пёрмылэмын. Ваньмыз ик таос матысь дыре шонертылэмын мед луозы. М. В.

МТС-ын кылынызы гинэ супылыто, ужзы уг атсны

Дебесс МТС-ын 40 мурт ужасьёс лэдьясско. Та ужасьёс пöлын ноқыче массово воспитательной уж уг нуиськы. Месткомлэн председателез Мерзляков но парторг Коробов со сярсы чик уг но малпасько. Ужасьёс газет'ёсы ичи лыдзо, тросэз уг но басыто. 24 мурт удмурт ужасьёс пöлысь кыкез гинэ „Удмурт Коммуна“ но нбылэз „Трактор“ газет'ёсты басыто. Тйни та факт, удмурт печатез сантэмат луэ.

Ужасьёс но служащойёс пöлын политической, воспитательной уж нуимтэен, соос улонлэсь бере кылэ, соос пöлын кулэтэм вераськон'ёс, кулэтэм урод уж'ёс но пото. Тани Тронина статистик луса МТС-ын нбылетй арзэ ужа ни. Газет басытыны гожкон сярсы вераськыку со шуиз: „Мон МТС-ын нбыль ар ужасько ни, газет ой басытылы, ой лыдзылы, али но уг басыты“. Главной бухгалтерзы Сидоров вистэк юыса улэ, али пиналзэ черкын пыр-

тэм. Таке вераськон'ёс но уж'ёс, луэм факт'ёс—полит-массовой валэктон уж нуимтэлэн бервылыз луэ.

МТС-ын комсомольской организация но вань, талэн но уез уг атскы. Ю октон-калтон чоже одыг комсомольской собрание но политучеба но ортычтымтэ.

„СССР-лэн Верховной Советаз быр'ён Положениез“ изучать карон ужасьёс пöлын пуктымтэ. Кладовщиксы Бывальцев выль бырийськон закон сярсы номере но уг тоды. Со сярсы милям МТС-ын номере но уг верасько, шуэ со. Бордгазет'ёс уг поттыло. Малы ужасьёс пöлын политмассовой уж овёл шуса юамлы парторг Коробов ньом шедтэ—„Уж куашкамын: вал, перестраивать карисском“. Абдрано. Коробов эш кык толэзэ ужа ни но, ялам ужзэ перестраивать каре. Ку нош умой-умой ужзэс МТС-ын перестроить карозы?

Воронцов.

Газет нуллись вис'ямтэ

Портурнес сельсоветысь Косаревлэн нимыныз нимам колхозын ваньмыз колхозной хозяйствоос газет басытыны гожкызы.

Колхозэн письмоносец вис'ямтээн та газет'ёс гуртэ вуытэк быдэс арнаосын отделениын кыллэ. Колхозлэн председателез Поздеев газет'ёсты

колхозник'ёслы дыраз вуттон понна чик уг сюлмаськы. Поздеев ачиз но газет уг лыдзылы, выль бырийськон законэн со тодмо овёл.

Поздеев эшлэсь юано луэ, ку газет нуллыны письмоносец вис'ялоз меда?

Егорова, Стрелков.

Лукинлэн вредительской планировать карем бервылыз

Тулыс бакчае мертскон азын райзолэн старшой агрономез Лукин „Высокое поле“ колхозлы бакча сион'ёс: картопка, кушман'ёс но мар мурттыны 16,7 гектар выль планировать карем. „Высокое поле“ колхозын нош 23 хозяйство гинэ. Сельхозартельлэн уставез'я нош каждой колхозной дворцы 0,35—0,5 гектар бакча сётиське. 23 хозяйстволэн 11,5 гектарлэсь трос усадьбазы луыны кулэ овёл. Со вылысь ик райзолы план лэзыны кулэ вал. Тулыс та колхозэ Лукин ачиз лично вуылыса 16,7 гектарлы бакча сион'ёс мерттыны план сётэм—5,2 га мултэс. Та сярсы та май толэзе, „Трактор“ газетамы гож'ямы. Лукин янгыш быдэн кык кысконо скал воруж'ёссэ признать карон инты

ёрш кадь пештырскыса опровержение редакции гожтэ—мон шонер планировать кари шуса.

Колхозэн кивалт'ёсы: председатель А. И. Овсяников но ревкомиссилен председателез В. Ф. Овсяников Лукинлэн вредной установкаеныз воспользоваться кариськыса, асьсэлы нырысь ик эшшо быдэн жыны гектар усадьба бастыллям на. Озы ик колхозник'ёслы сётчаллям. Та дырозь колхозазы пудо фермаоссы овёл на. Одыг пороз ош но пороз парсь гинэ колхозлэн вань. Та пороз'ёсын колхозник'ёс асьсэ парсьёссэс, скал'ёссэс ноқыче дун тырытэк бызылыто. Колхоз ферма овёл, нош тямыс хозяйствойн быдэн кык кысконо скал вордо. Таиз нош ик сельхозар-

Ужан графин колхоз'ёсы лэзымтэ

Етын ужан сярсы график вань колхоз'ёслы 20-ти сентябре ик лэзыны косэмын. Тольен сельсовет, солэн председателез Я. Н. Ложкин, та дырозь колхоз'ёсаз етын ужен график овёл лэзем на. Соин ик Тольен сельсоветын одыг колхозын но умой умой етын ужан уг мыны. Колхоз'ёсын лносушилкаос вань но, гур'ёсы мурыостэк лэсьтылэмын. Чын пöлын етынэз куасьтыса нош, солэн зечлыкез улты луэ. „Маевка“ колхозлэн 2 лносушилкаез, 4 сэстон машинаоссы, санталовкаоссы вань, озы ик ужась кужымзы тырмыт. Таослы асьсэлы колхозазы етын ужаны быгатонлыксы

вань. Озы но колхозлэн председателез И. Ившин (треста сётыны планзы луытэк) Кезэ лнозаводэ трестаэс келя. „Красный октябрь“ колхозлэн председателез Хохрякова нош етын трестаэз лнозаводэ лэбыт нуэ: 25 тонна интые 4 тонна сян нуымтэ на. Таослэн ик 3 гектар вылысь етынзы ишкымтэ на. Кылем ар'ёсы таос вукоысь двигателе ин'яса етын сэстызы, туэ соосын договор лэсьтымтээн уг ужало.

Тольен сельсоветысь вань колхоз'ёсы етын ужан график лэсьтыса, сое ужен быдэстон вылысь организовать кароно. Я. В. ШИРОБОКОВ.

10 гектар кöжы турнамтэ

Биба ньгурт сельсоветысь „Красный клевер“ колхозын уборка урод ортычтэмын. Та дырозь 10 гектар муз'ем вылым кöжы турнамтэ на, нош 20 гектар вылысь кутсатэк зуродын сылэ.

Картопка, чуж но горд кушман'ёс октымтэ. Ю-нянез кабанэ тырыку ыштон'ёсын нюр'ясыкымтээн муз'ем выль уно тысьсез куашкатызы. Кутсаськем бере төлбер утылтымтэ, етын

кидыс нокин возьмасьтэк лабас улын кыллэ. Колхоз правление колхозлэсь ваньбурзэ эскерон но сое утылтон понна уг сюлмаськы. Бригадир Черепков бусы ужен умой кивалтон интые, дугдылытэк вина юыса улэ. „Красный клевер“ колхозысь правленилы та кылем уж'ёссэ жожен быдэстон, шонертон понна ужпум'ёс кутано.

АДЗИСЬ

ТОЛЭС'ЕСТЫ УГЭСКЕРО

„Красная колонна“ колхозын рысак выжы толэс'ёс будо, нош колхоз таосыз урод чередэ. Пинал толэс'ёс вылын кинке шедем ветло. Колхозлэн председателез Попов, рысак выжы толэс'ёсыз умой будэ-

тон интые, ворттылэмысь соос вылын уг дугдылы.

Та толэс'ёсты содыны, утылтыны нимысьтыз адыми вис'яны кулэ, соосыз умой чередьса будэтоно.

КОНЮХ.

Самообложение тырон умойтэм ортычтэмын

Зар-Медла сельсоветысь колхоз'ёсын но Вожгалы гуртын 28 сентябре самообложение тырон сярсы собрание ортычтэмын. Клуб'ёс лэсьтыны но горд сэрэг'ёс оборудовать карон понна вань колхозной хозяйствосын быдэн 20 манет но единоличной хозяйствосын быдэн 40-75 манет самообложени тыронэз собрание одобрить кариз. Со бере кинлы льгота сётон сярсыс ужпум пуктызы. Сельсоветлэн председателез Трефилов но солэн секретарез (единоличник) кивалтэм'я льготаос единоличной хозяйствослы тросгес сётиськызы.

5 единоличной хозяйствосос самообложенилэсь пырпоч освободить каремын, сельсовет секретарьлэн единоличной хозяйствоезлы 50 процент, 2 единоличной хозяйствослы быдэн 25 процент льготаос сётыны каризы. Нош 40 колхозной хозяйствосос пöлысь 2 хозяйствоез гинэ освободить каремын но 4 хозяйствоезлы частичной льготаос сётэмын. Собранилэн таке решениез умойтэм луэ, соин ик райисполкомлэн президиумезлы та решениез вылысь эскертоно. Кудрявцев.

Роно ликбезэн уг кивалты

Великой Октябрь революцилен 20 ар тырмон нуналыз матэктэ. Со нуналоз вань дышетскымтэос но ичи дышетскем'ёс дышетэмын луыны кулэ. Асьмеос солы ляб дасяськыском. Районамы трос на дышетскымтэ но ичи дышетскем мурт'ёс. Соосты одно ик жегатскытэк дышетыны кулэ. Роно та уж котыре умой-умой өз кутскы на. Неграмотнойёсыз дышетон пумысь Ронолэн инструкторез Ложкин эш ликбезэн ляб кивалтэ. Кыче колхоз'ёсын ликбез умой мынэ, кытын ляб, сое Ложкин уг тоды.

Тани Ленинлэн нимыныз нимам колхозын 17 мурт дышетскымтэосыз но ичи дышетскем'ёсыз лыд'яско. Та колхоз Ронолэн нурулаз ик луэ, озы ке но неграмотнойёсыз дышетон организовать карымтэ на, нош Ложкин кемалась дышетско ини шуса пöяллыське.

Неграмотнойёсыз дышетонэз куд-ог колхоз'ёсын правленилэн член'ёсыз асьсэос тормозить карыны туртто. Портурнес сельсоветысь колхоз'ёсын унояз та уж ляб пуктэмын. „Темкино“ колхозысь сельсоветлэн членэз Стрелков но колхозлэн председателез Кокоулин злоумышленно калыкез дышетонлы люкетто. Та колхозын соин ик ликбез уж ляб мынэ. Стрелков но Кокоулин эш'ёс сельсоветэн вис'ям методислы ноқыче юрттэт'ёс уг сето, соос, солы пумит, лике зэз куашкатыны туртто.

Октябрь революцилен 20 ар тырмон нуналозяз одыг дышетскымтэ мурт но медам луы, ваньмыз дышетскемын мед луозы. Со вылысь ликбез уез организовать кароно. СТРЕЛКОВ. ВОРОНЦОВ.

Протопоповлы раймагын инты овол

Раймагысь вузкарысь Протопопов сярсы газетамы гож'ямы ни. Протопопов кадь бюрократэз, бадзым'ясыкисез районысь ик уд дыр шедьты. Со ик ужакуз но нуналлы кадь ик юзмын луэ. Раймаге марке кулэ вуз'ёс (костюм'ёс, пальтоос, басма но мар) вуо ке, Протопопов ачиз очердез соблодать карытэк вузбастысьёслэн йыр'ёсы вамен „тодмоосылы“ вуз сётча. Соин ик раймагын котьку ур-чаш, кин ворме, быгатэ озы мертскыса вуз басытыны выро, даллашо. Раймаглэн вузкаронэз советской, культурной вузкаронлы ноқызы но уг пыры.

Районной партсобрание

5—6-ти октябре, 9 часэ Чукна, со культура коркан (клубын) районной партсобрание луоз.

Эскероно уж'ёс: ВКП(б)-лэн Удмурт Обкомезлэн пленумезлэн итог'ёсыз.

Партсобрание районысь вань ВКП(б) член'ёслы, кандидат'ёслы но сочувствующойёслы дыраз лыктоно.

ВКП(б) райком.

Отв. ред. Н. М. КУЗЬМИН. Пэггйсь рэйи сполном.